

destructionem munitio-
num, consilia destruentes,
et omnem altitudinem ex-
tollentem se adversus
scientiam Dei, et in capti-
vitate redigentes om-
nem intellectum in obsé-
quium Christi, et in prom-
ptu habentes ulcisci om-
nem inobedientiam, cum
impléta fuerit vestra obe-
diencia. Quæ secundum
faciem sunt, videte. Si
quis confidit sibi Christi
se esse, hoc cogitet iterum
apud se : quia sicut ipse
Christi est, ita et nos.

R. Repleatur os meum
laude tua, ut hymnum
dicam gloriæ tuæ, tota
die magnitudinem tuam :
noli me projicere in tē-
pore senectutis : * Dum
defecerit in me virtus mea,
ne derelinquas me. **V.** Gau-
debunt labia mea cum
cantavero tibi. — Dum.

Lectio iij.

NAM, et si amplius ali-
quid gloriatus fuero
de potestate nostra, quam
dedit nobis Dominus in
ædificationem, et non in
destructionem vestram :
non erubescam. Ut autem
non existimer tamquam
terrere vos per epistolas :
quoniam quidem Episto-
læ, inquiunt, graves sunt

et fortes : præsentia au-
tem corporis infirma, et
sermo contemptibilis : hoc
cogitet qui ejusmodi est,
quia quales sumus verbo
per epistolas absentes,
tales et præsentés in facto.
Non enim audemus insé-
rere, aut comparare nos
quibusdam, qui seipsos
commendant : sed ipsi in
nobis nosmetipsos metien-
tes, et comparantes nos-
metipsos nobis.

R. Gaudébunt labia mea
cum cantavero tibi : * Et
ánima mea, quam rede-
misti Domine. **V.** Sed et
lingua mea meditabitur
justitiam tuam, tota die
laudem tuam. — Et áni-
ma. **Gloria.** Et ánima.

FERIA SEXTA.

De Epistola secunda ad
Corinthios.

Lectio j. Cap. xij.

SI gloriari oportet
(non expedit qui-
dem) veniam au-
tem ad visiones, et revela-
tiones Domini. Scio hómi-
nem in Christo ante annos
quatuordecim, (sive in cór-
pore nescio, sive extra cor-
pus nescio, Deus scit,) rap-
tum hujusmodi usque ad
tertium cælum. Et scio
hujusmodi hóminem (sive

in corpore, sive extra cor-
pus nescio, Deus scit :)
quoniam raptus est in pa-
radisum : et audivit arcá-
na verba, quæ non licet
hómini loqui.

R. Confitebor tibi Dó-
mine Deus in toto corde
meo, et honorificabo no-
men tuum in ætérnum :
* Quia misericórdia tua
Domine magna est super
me. **V.** Deus meus es tu,
et confitebor tibi : Deus
meus es tu, et exaltabo
te. — Quia.

Lectio ij.

PRO hujusmodi gloriá-
bor : pro me autem
nihil gloriabor nisi in infir-
mitatibus meis. Nam, et si
volero gloriári, non ero
insipiens : veritatem enim
dicam : parco autem, ne
quis me existimet supra
id, quod videt in me, aut
aliquid audit ex me. Et ne
magnitudo revelatiónum
extollat me, datus est mihi
stimulus carnis meæ án-
gelus sátanæ, qui me col-
laphizet. Propter quod ter
Dóminum rogavi ut discé-
deret a me : et dixit mihi :
Sufficit tibi grátia mea :
nam virtus in infirmitate
perficitur.

R. Misericórdia tua Dó-
mine magna est super me :

* Et liberásti ánimam
meam ex inférno infe-
riori. **V.** In die tribulatió-
nis meæ clamávi ad te,
quia exaudísti me. — Et.

Lectio iij.

Libenter igitur gloriá-
bor in infirmitatibus
meis, ut inhábitet in me
virtus Christi. Propter
quod pláceo mihi in infir-
mitatibus meis, in contu-
méliis, in necessitatibus,
in persecutióibus, in an-
gústiiis pro Christo : Cum
enim infirmor, tunc po-
tens sum. Factus sum insi-
piens, vos me coegístis.
Ego enim a vobis débui
commendári : nihil enim
minus fui ab iis, qui sunt
supra modum Apóstoli :
tametsi nihil sum.

R. Factus est mihi Dómi-
nus in refúgium : * Et
Deus meus in auxili-
um spei meæ. **V.** Erípu-
it me de inimicis meis fortissi-
mis, et factus est Dómi-
nus protector meus. — Et
Deus. **Gloria.** Et Deus.

SABBATO.

De Epistola secunda ad
Corinthios.

Lectio j. Cap. xij.

Scetertio hoc vénio
ad vos : In ore
duorum, vel trium
téstium stabit omne ver-

bum. Prædixi, et prædico, ut præsens, et nunc absens iis, qui ante peccaverunt, et ceteris omnibus, quoniam si vénero iterum, non parcam. An experimentum quæritis ejus, qui in me loquitur Christus, qui in vobis non infirmatur, sed potens est in vobis? Nam etsi crucifixus est ex infirmitate: sed vivit ex virtute Dei. Nam et nos infirmi sumus in illo: sed vivemus cum eo ex virtute Dei in vobis.

℞. Ne perdideris. 412.

Lectio ij.

Vosmetipsos tentate si estis in fide: ipsi vos probate. An non cognoscitis vosmetipsos quia Christus Jesus in vobis est? nisi forte reprobi estis. Spero autem quod cognoscetis, quia nos non sumus reprobi. Oramus autem Deum ut nihil mali faciatis, non ut nos probati vos quod bonum est faciatis: nos autem ut reprobi simus. Non enim possumus aliquid adversus veritatem, sed pro veritate. Gaudemus enim, quoniam nos infirmi sumus, vos autem potentes

estis. Hoc et oramus vestram consummationem.

℞. Paratum cor. 413.

Lectio iij.

Ideo hæc absens scribo, ut non præsens durius agam secundum potestatem, quam Dominus dedit mihi in ædificationem, et non in destructionem. De cetero, fratres, gaudete, perfecti estote, exhortamini, idem sapite, pacem habete, et Deus pacis, et dilectionis erit vobiscum. Salute invicem in osculo sancto. Salutant vos omnes sancti. Grátia Domini nostri Jesu Christi, et caritas Dei, et communicatio sancti Spiritus sit cum omnibus vobis. Amen.

℞. Adjutor meus. 413.

Ad Vesp. omnia, præter Orationem, ut in Psalterio, 150. quod servatur in aliis Sabbatis usque ad Septuagesimam.

Ad Magnificat, Añã. Suscepit Deus Israel puerum suum: sicut locutus est ad Abraham, et semen ejus: exaltare humiles usque in sæculum.

℞. Vespertina oratio ascendat ad te Domine.

℞. Et descendat super nos misericordia tua.

Oratio.

OMnipotens sempiternus Deus, infirmitatem nostram propitius respice, atque ad protegendum nos dexteram tuæ majestatis extendere. Per Dominum.

Deinde fiunt Commem. ibid. positæ in Psalt. 177.

DOM. III. POST EPIPH.

Ad Matutinum, omnia ut in Psalterio. 1.

In I. Nocturno.

Incipit Epistola beati Pauli Apostoli ad Galatas.

Lectio j.

Cap. j.

Aulus Apostolus non ab hominibus, neque per hominem, sed per Jesum Christum, et Deum Patrem, qui suscitavit eum a mortuis: et qui mecum sunt omnes fratres, Ecclesiis Galatiæ. Grátia vobis, et pax a Deo Patre, et Domino nostro Jesu Christo, qui dedit semetipsum pro peccatis nostris, ut eriperet nos de præsentis sæculo nequam, secundum voluntatem Dei et Patris nostri, cui est gloria in sæcula sæculorum: Amen.

℞. Domine. 426.

Lectio ij.

Miror quod sic tam cito transferimini ab eo, qui vos vocavit in gratiam Christi in aliud Evangelium: quod non est aliud, nisi sunt aliqui, qui vos conturbant, et volunt convertere Evangelium Christi. Sed licet nos, aut Angelus de cælo evangelizet vobis præterquam quod evangelizavimus vobis, anathema sit. Sicut prædiximus, et nunc iterum dico: Si quis vobis evangelizaverit præter id, quod accepistis, anathema sit. Modo enim hominibus suadeo, an Deo? An quæro hominibus placere? Si adhuc hominibus placere, Christi servus non essem.

℞. Deus, qui. 426.

Lectio iij.

Notum enim vobis facio, fratres, Evangelium, quod evangelizatum est a me, quia non est secundum hominem: neque enim ego ab homine accipi illud, neque didici, sed per revelationem Jesu Christi. Audistis enim conversationem meam aliquando in Judaismo: quoniam supra modum persequer bar Ecclesiam Dei, et expugnabam illam, et pro-

ficiébam in Judáismo supra multos coetáneos meos in género meo, abundantius aemulátor existens paternárum meárum traditiónum.

℟. A dextris. 427.

In II. Nocturno.

De Expositiōe sancti Augustini Episcopi in Epistolam ad Gálatas.

In Præfatione, tom. 4.

Lectio iv.

Ausa, propter quam scribit Apóstolus ad Gálatas, hæc est: ut intelligant grátiam Dei id secum ágere, ut sub lege jam non sint. Cum enim prædicata eis esset Evangelii grátia, non defuerunt quidam ex circumcisiōe, quamvis Christiáni nómine, nondum tamen tenentes ipsum grátiae beneficium, et adhuc volentes esse sub onéribus legis, quæ Dóminus Deus imposúerat non justitiæ serviéntibus, sed peccáto, justam scilicet legem injústis homínibus dando ad demonstránda peccáta eórum, non auferénda. Non enim aufert peccáta nisi grátia fidei, quæ per dilectiōnem operátur.

℟. Notas mihi. 427.

Lectio v.

SUB hac ergo grátia jam Gálatas constitutos illi volébant constitúere sub onéribus legis, asseverántes nihil eis prodésse Evangelium, nisi circumcideréntur, et céteras carnáles Judáici ritus observatiōnes subírent. Et ideo Paulum Apóstolum suspéctum habere cœperant, a quo illis Evangelium prædicátum erat, tamquam non tenentem disciplinam ceterórum Apostolorum, qui Gentes cogébant judaizare.

℟. Diligam. 428.

Lectio vi.

Talis quidem quæstio est et in epístola ad Romános: verúntamen vidétur áliquid interésse, quod ibi contentiōnem ipsam dirimit, litémque compónit, quæ inter eos qui ex Judæis, et eos qui ex Géntibus crediderant, orta erat: cum illi tamquam ex méritis óperum legis, sibi rédditum Evangelii præmium arbitraréntur, quod præmium incircumcisis tamquam imméritis nolébant dari: illi contra Judæis se præferre gestírent, tamquam interfectóribus Dómini. In hac

vero epístola ad eos scribit, qui jam commóti erant auctoritate illórum, qui ex Judæis erant, et ad observatiōnes legis cogébant.

℟. Dómini est terra. 428.

In III. Nocturno.

Lectio sancti Evangelii secundum Matthæum.

Lectio vii. Cap. viij.

In illo témpore: Cum descendisset Jesus de monte, secútæ sunt eum turbæ multæ: et ecce leprósus véniens, adorábat eum. Et reliqua.

Homilia sancti Hierónymi Presbyteri.

Lib. I. Comm. in cap. viij. Matthæi.

DE monte Dómino descendente, occurrunt turbæ, quia ad altióra ascendere non valuérunt. Et primus ei occurrat leprósus: necdum enim póterat cum lepra tam multiplicem in monte Salvatóris audire sermónem. Et notándum, quod hic primus speciáliter curátus sit: secúndo, puer centuriónis: tertio, socrus Petri fébriens in Caphárnaum: quarto loco, qui obláti sunt ei a dæmónio vexáti: quorum spíritus verbo ejiciébat,

quando et omnes male habétes curávit.

℟. Ad te Dómine. 429.

Lectio viij.

Et ecce leprósus véniens adorábat eum, dicens. Recte post prædicatiōnem atque doctrinam, signi offertur occasio, ut per virtútem miraculi, præteritus apud audiétes sermo firmétur. Dómine, si vis, potes me mundáre. Qui voluntátem rogat, de virtúte non dubitat. Et extendens Jesus manum tétigit eum, dicens: Volo, mundáre. Extendente manum Dómino, statim lepra fugit. Simúlque considera, quam húmilis, et sine jactántia respónsio. Ille dixerat, Si vis: Dóminus respóndit, Volo. Ille præmiserat, Potes me mundáre: Dóminus jungit, et dicit, Mundáre. Non ergo, ut plerique Latinórum putant, jungéndum est, et legéndum, Volo mundáre: sed separátim, ut primum dicat, Volo; deinde imperet, Mundáre.

℟. Duo Séraphim. 429.

Lectio ix.

Et ait illi Jesus: Vide, némini dixeris. Et re véra quid erat necesse ut

sermone jactaret, quod corpore praeferbat? Sed vade, ostende te sacerdoti. Varias ob causas mittit eum ad sacerdotem: primum propter humilitatem, ut sacerdotibus deferre honorem videatur. Erat enim lege praecipuum, ut qui mundati fuerant a lepra, offerrent munera sacerdotibus. Deinde, ut mundatum videntes leprosum, aut crederent Salvatori, aut non crederent: si crederent, salverentur: si non crederent, inexcusabiles forent. Et simul, ne, quod in eo saepissime criminabantur, legem videretur infringere.

Te Deum laudamus. 20.

Ad Bened. Añã. Cum descendisset * Jesus de monte, ecce leprosus veniens adorabat eum, dicens: Domine, si vis, potes me mundare: et extendens manum, tetigit eum, dicens: Volo, mundare.

✠. Dominus regnavit, decorem induit. ✠. Induit Dominus fortitudinem, et praecinxit se virtute.

Oratio.

Omnipotens sempiternus Deus, infirmitatem nostram propitius respice,

atque ad protegendum nos dexteram tuae majestatis extendere. Per Dominum nostrum Jesum Christum.

Ad Magnif. Añã. Domine, si vis, * potes me mundare: et ait Jesus: Volo, mundare.

✠. Dirigatur Domine oratio mea. ✠. Sicut incensum in conspectu tuo.

FERIA SECUNDA.

De Epistola ad Galatas.

Lectio j. Cap. iij.



Insensati Galatae, quis vos fascinavit non obedire veritati, ante quorum oculos Jesus Christus praescriptus est, in vobis crucifixus? Hoc solum a vobis volo discere: Ex operibus legis Spiritum accepistis, an ex auditu fidei? Sic stulti estis, ut cum spiritu coeperitis, nunc carne consummemini? Tanta passi estis sine causa? si tamen sine causa. Qui ergo tribuit vobis Spiritum, et operatur virtutes in vobis: ex operibus legis, an ex auditu fidei? Sicut scriptum est: Abraham credidit Deo, et reputatum est illi ad justitiam.

✠. Quam magna. 410.

Lectio ij.

Cognoscite ergo quia qui ex fide sunt, ii sunt filii Abraham. Providens autem Scriptura, quia ex fide justificat Gentes Deus, praenuntiavit Abraham: Quia benedicentur in te omnes Gentes. Igitur qui ex fide sunt, benedicentur cum fidei Abraham. Quicumque enim ex operibus legis sunt, sub maledicto sunt. Scriptum est enim: Maledictus omnis, qui non permanserit in omnibus, quae scripta sunt in libro legis ut faciat ea.

✠. Adjutor meus. 410.

Lectio iij.

Quoniam autem in lege nemo justificatur apud Deum, manifestum est: quia justus ex fide vivit. Lex autem non est ex fide, sed, Qui fecerit ea, vivet in illis. Christus nos redemit de maledicto legis, factus pro nobis maledictum: quia scriptum est: Maledictus omnis qui pendet in ligno: ut in Gentibus benedictio Abraham fieret in Christo Jesu, ut pollicitationem Spiritus accipiamus per fidem.

✠. Benedicam Dominum. 411.

FERIA TERTIA.

De Epistola ad Galatas.

Lectio j. Cap. v.



Tate, et nolite iterum jugo servitutis contineri. Ecce ego Paulus dico vobis: quoniam si circumcidamini, Christus vobis nihil proderit. Testificor autem rursus omni homini circumcidenti se, quoniam debitor est universae legis faciendae. Evacuati estis a Christo, qui in lege justificamini: a gratia excidistis. Nos enim spiritu ex fide, spem justitiae expectamus.

✠. Auribus. 411.

Lectio ij.

NAM in Christo Jesu neque circumcisio aliquid valet, neque praepitium: sed fides, quae per caritatem operatur. Currebatis bene: quis vos impedivit veritati non obedere? Persuasio haec non est ex eo, qui vocat vos. Modicum fermentum totam massam corrumpit. Ego confido in vobis in Domino, quod nihil aliud sapietis: qui autem conturbat vos, portabit iudicium, quicumque est ille.

✠. Statuit. 412.

Lectio iij.

EGO autem, fratres, si circumcisiōnem adhuc prædico : quid adhuc persecutiōnem patior? Ergo evacuatum est scandalum crucis. Utinam et abscindantur qui vos conturbant. Vos enim in libertatem vocati estis fratres : tantum ne libertatem in occasiōnem detis carnis, sed per caritatem Spiritus servite invicem. Omnis enim lex in uno sermone impletur : Diliges proximum tuum sicut te ipsum. Quod si invicem mordetis, et comeditis : videte ne ab invicem consumamini. Dico autem : Spiritu ambulāte, et desideria carnis non perficietis. Caro enim concupiscit adversus spiritum : spiritus autem adversus carnem : hæc enim sibi invicem adversantur : ut non quæcumque vultis, illa faciatis. **R.** Ego dixi. 412.

FERIA QUARTA.

Incipit Epistola beati Pauli Apóstoli ad Ephésios.

Lectio j.**Cap. j.**

Aulus Apóstolus Jesu Christi per voluntatem Dei, omnibus sanctis, qui sunt

Ephesi, et fidelibus in Christo Jesu. Grátia vobis, et pax a Deo Patre nostro, et Dómino Jesu Christo. Benedictus Deus et Pater Dómini nostri Jesu Christi, qui benedixit nos in omni benedictiōne spirituali in cœlestibus in Christo, sicut elegit nos in ipso ante mundi constitutiōnem, ut essemus sancti et immaculati in conspectu ejus in caritate.

R. Ne perdideris. 412.

Lectio ij.

QUI prædestinavit nos in adoptiōnem filiorum per Jesum Christum in ipsum : secundum propositum voluntatis suæ, in laudem glóriæ grátie suæ, in qua gratificavit nos in dilecto Filio suo. In quo habemus redemptiōnem per sanguinem ejus, remissionem peccatorum secundum divitias grátie ejus, quæ superabundavit in nobis in omni sapiētia, et prudentia : ut notum faceret nobis sacramentum voluntatis suæ, secundum beneplacitum ejus, quod proposuit in eo, in dispensatiōne plenitudinis temporum, instaurare omnia in Christo, quæ in cœlis,

et quæ in terra sunt, in ipso.

R. Paratum. 413.

Lectio iij.

IN quo etiam et nos sorte vocati sumus prædestinati secundum propositum ejus, qui operatur omnia secundum consilium voluntatis suæ : ut simus in laudem glóriæ ejus nos, qui ante speravimus in Christo : In quo et vos, cum audissetis verbum veritatis, (Evangelium salutis vestræ) in quo et credentes signati estis Spiritu promissionis sancto, qui est pignus hereditatis nostræ, in redemptiōnem acquisitionis, in laudem glóriæ ipsius.

R. Adjutor meus. 413.

FERIA QUINTA.

De Epistola ad Ephésios.

Lectio j.**Cap. iv.**

Bsecro itaque vos ego vincus in Dómino, ut digne ambulētis vocatiōne, qua vocati estis, cum omni humilitate, et mansuetudine, cum paciētia, supportantes invicem in caritate, solliciti servare unitatem Spiritus in vinculo pacis. Unum corpus, et unus Spiritus sicut vocati estis

in una spe vocatiōnis vestræ. Unus Dóminus, una fides, unum baptisma. Unus Deus et Pater omnium, qui est super omnes, et per omnia, et in omnibus nobis.

R. Deus in te. 413.

Lectio ij.

UNicuique autem nostrum data est grátia secundum mensuram donatiōnis Christi. Propter quod dicit : Ascendens in altum captivam duxit captivitatem : dedit dona hominibus. Quod autem ascendit, quid est, nisi quia et descendit primum in inferiores partes terræ. Qui descendit, ipse est et qui ascendit super omnes cœlos, ut impleret omnia.

R. Repleatur os. 414.

Lectio iij.

ET ipse dedit quosdam quidem Apóstolos, quosdam autem Prophetas, alios vero Evangelistas, alios autem pastores, et doctores, ad consumationem sanctorum in opus ministèrii, in ædificationem corporis Christi : donec occurramus omnes in unitatem fidei, et agnitiōnis Filii Dei, in virum perfectum, in mensuram ætatis plenitudinis Christi.

sti : ut jam non simus párvuli fluctuántes, et circumferámur omni vento doctrínæ in nequítia hóminum, in astútia ad circumventionem erroris. Veritatem autem faciéntes in caritate, crescámus in illo per ómnia, qui est caput Christus.

℞. Gaudébunt lábia. 414.

FERIA SEXTA.

De Epístola ad Ephésios.

Lectio j. Cap. v.



Stóte ergo imitátóres Dei, sicut filii caríssimi : et ambuláte in dilectióne, sicut et Christus diléxit nos, et trádidit semetípsum pro nobis oblatiónem, et hóstiam Deo in odórem suavitátis. Fornicátio autem, et omnis immundítia, aut avarítia nec nominétur in vobis, sicut decet sanctos : aut turpítudo, aut stultilóquium, aut scurrílitás, quæ ad rem non pértinet : sed magis gratiárum áctio.

℞. Confitébor. 415.

Lectio ij.

HOC enim scitóte intelligéntes : quod omnis fornicátor, aut immúndus, aut avárus, quod est idolórum sérvitus, non habet hereditátem in regno Chri-

sti, et Dei. Nemo vos séducat inánibus verbis : propter hæcenim venit ira Dei in filios diffidéntiæ. Nolíte ergo éffici partícipes eórum. Erátis enim aliquándo ténebræ : nunc autem lux in Dómino. Ut filii lucis ambuláte.

℞. Misericórdia. 415.

Lectio iij.

Ructus enim lucis est in omni bonitate, et justítia, et veritate : probántes quid sit beneplácitum Deo : et nolíte communicáre opéribus infructuósis tenebrárum, magis autem redargúite. Quæ enim in occulto fiunt ab ipsis, turpe est et dicere. Omnia autem, quæ arguúntur, a lumine manifestántur : omne enim, quod manifestátur, lumen est. Propter quod dicit : Surge qui dormis, et exsúrge a mórtuis, et illuminábit te Christus.

℞. Factus. 415.

SABBATO.

De Epístola ad Ephésios.

Lectio j. Cap. vj.



Illi, obedite paréntibus vestris in Dómino : hoc enim justum est. Honóra patrem tuum, et matrem

tuam. Quod est mandátum primum in promissióne : ut bene sit tibi, et sis longævus super terram. Et vos patres nolíte ad iracúndiam provocáre filios vestros : sed educáte illos in disciplina, et correptione Dómini.

℞. Ne perdideris. 412.

Lectio ij.

Servi obedite dómibus carnálibus cum timóre et tremóre, in simplicitate cordis vestri, sicut Christo : non ad óculum serviéntes, quasi homínibus placéntes, sed ut servi Christi, faciéntes voluntátem Dei ex ánimo, cum bona voluntate serviéntes, sicut Dómino, et non homínibus : sciéntes quóniam unusquisque quodcumque fécerit bonum, hoc recípiet a Dómino, sive servus, sive liber. Et vos dómuni éadem fácite illis, remitténtes minas : sciéntes quia et illórum et vester Dóminus est in cœlis : et personárum accepcio non est apud eum.

℞. Parátum cor. 413.

Lectio iij.

DE cétero fratres confortámini in Dómino, et in poténtia virtútis ejus. Indúite vos armatú-

ram Dei, ut possitis stare advérsus insídias diaboli. Quóniam non est nobis colluctátio advérsus carnem et sánguinem : sed advérsus príncipes, et potéstates, advérsus mundi rectóres tenebrárum harum, contra spirituália nequítiae, in cœlestibus. Proptérea accípíte armatúram Dei, ut possitis resistere in die malo, et in ómnibus perfécti stare.

℞. Adjútor meus. 413.

Ad Vesp. omnia præter Orat. ut in Psalt. 173.

Ad Magnificat. Añã. Suscépit Deus Israel púerum suum : sicut locúsus est ad Abraham, et semen ejus : exaltáre húmiles usque in sæculum.

℞. Vespertína orátio ascéndat ad te Dómine.

℞. Et descéndat super nos misericórdia tua.

Oratio.

DEus, qui nos in tantis periculis constitútos, pro humana scis fragilitate non posse subsistere : da nobis salutem mentis et córporis ; ut ea, quæ pro peccátis nostris pátimur, te adjuvante vincámus. Per Dóminum.

Deinde fiunt Commempositæ in Psalt. 177.

DOM. IV. POST EPIPH.

In I. Nocturno.

Incipit Epistola beati Pauli
Apostoli ad Philippenses.

Lectio j.

Cap. j.

DAulus, et Timotheus servi Jesu Christi, omnibus sanctis in Christo Jesu, qui sunt Philippis, cum Episcopis, et Diaconibus. Gratia vobis, et pax a Deo Patre nostro, et Domino Jesu Christo. Gratias ago Deo meo in omni memoria vestri, semper in cunctis orationibus meis pro omnibus vobis cum gaudio deprecationem faciens, super communicatione vestra in Evangelio Christi a prima die usque nunc. Confidens hoc ipsum, quia qui cepit in vobis opus bonum, perficiet usque in diem Christi Jesu. Sicut est mihi justum hoc sentire pro omnibus vobis: eo quod habeam vos in corde, et in vinculis meis, et in defensione, et confirmatione Evangelii, socios gaudii mei omnes vos esse.

R. Domine, ne in ira tua arguas me, neque in furore tuo corripas me:
* Miserere mei Domine,

quoniam infirmus sum.
V. Timor et tremor venerunt super me, et contexerunt me tenebrae. — Miserere.

Lectio ij.

TEstis enim mihi est Deus, quomodo cupiam omnes vos in visceribus Jesu Christi. Et hoc oro ut caritas vestra magis ac magis abundet in scientia, et in omni sensu: ut probetis potiora, ut sitis sinceri, et sine offensa in diem Christi, replenti fructu justitiae per Jesum Christum, in gloriam et laudem Dei. Scire autem vos volo fratres, quia quae circa me sunt, magis ad profectum venerunt Evangelii: ita ut vincula mea manifesta fierent in Christo in omni praetorio, et in ceteris omnibus, et plures e fratribus in Domino confidentes vinculis meis, abundantius auderent sine timore verbum Dei loqui.

R. Deus, qui sedes super thronum, et iudicas aequitatem, esto refugium pauperum in tribulatione:
* Quia tu solus laborem et dolorem consideras.
V. Tibi enim derelictus est pauper, pupillo tu eris adjutor. — Quia.

Lectio iij.

Quidam quidem et propter invidiam et contentionem: quidam autem et propter bonam voluntatem Christum praedicant: quidam ex caritate, scientes quoniam in defensionem Evangelii positus sum. Quidam autem ex contentione Christum annuntiant non sincere, existimantes pressuram se suscitare vinculis meis. Quid enim? Dum omni modo sive per occasionem, sive per veritatem Christus annuntiatur: et in hoc gaudeo, sed et gaudebo.

R. A dextris est mihi Dominus, ne commovear:
* Propter hoc dilatatum est cor meum, et exsultavit lingua mea.
V. Dominus pars hereditatis meae, et calicis mei. — Propter.
Gloria Patri. Propter.

In II. Nocturno.

Ex libro Moralium sancti
Gregorii Papae.

Libro 4. cap. xxx.

Lectio iij.

DEplémus refectio-
bus corpus, ne extenuatum deficiat: extenuamus abstinencia, ne nos replatum premat:

vegetamus hoc motibus, ne situ immobilitatis intereat: sed citius hoc collocando sistimus, ne ipsa sua vegetacione succumbat: adjumentis hoc vestium tegimus, ne frigus interimat: et quaesita adjumenta projicimus, ne calor exurat. Tot igitur diversitatibus occurrentes, quid agimus, nisi corruptibilitati servimus, ut saltem multiplicitas impensi obsequii corpus sustineat, quod anxietas infirmæ mutabilitatis gravat?

R. Notas mihi fecisti Domine vias vitae: * Adimplebis me laetitia cum vultu tuo: delectationes in dextera tua usque in finem.
V. Tu es qui restitues hereditatem meam mihi. — Adimplebis.

Lectio ii.

UNde bene per Paulum dicitur: Vanitati enim subiecta est creatura non volens, sed propter eum qui subjecit eam in spe: quia et ipsa creatura liberabitur a servitute corruptionis, in libertatem gloriae filiorum Dei. Vanitati quippe creatura non volens subditur: quia homo, qui ingentiae constan-